


欽定八旗通志

兵制志

卷三十二
之三十三



欽定八旗通志卷三十二

兵制志

謹案十紀以來以兵定天下者黃帝爲首故言兵制者始風后之握奇經其書真僞不可知其公孫宏等之註釋真僞亦不可知然其法律井井四奇四正變化不窮兵家終莫易其法也夏殷以前兵制不可考其可考者莫詳於周禮所謂六鄉六遂各以卿大夫司民事經理其教養修明其政今三

時務農一時講武無事則各執其業有事則按井出賦合而爲天子之六軍故其時軍民不分吏與將帥亦不分所謂寓兵於農其法至善秦漢以後時易勢更鎮戍徧天下而非內重卽外重迄不能臂指相使綱目相維唐初設折衝果毅府畧得其意而顯慶以後浸淫漸廢藩鎮遂割據而不寧核其因革之由知古聖人慮遠而計周也我

朝

出震乘乾用

武功開國定制以人戶隸佐領以佐領隸叅領以叅領隸

都統副都統皆司其版籍經其土田掌其教化平其訟獄而歸於詰其戎兵於周禮鄉遂之法如重規疊矩誠所謂先聖

後聖其揆一矣至八旗之制則實同於風后之握奇蓋天地之數皆以九爲紀而九數所積則皆八周外而一居中河圖洛書皆四奇四耦統於五十天有九

官地有九野皆以四正四隅環乎中央卽井田之制以八家同養公田亦因天地自然之象焉風后之陣數用八諸葛亮魚腹石陣亦用八其奇正相錯而變化生正隅相輔而彌縫密蓋以此也

大聖人規矩在握造化生心默與天地通而闡與古之聖賢合法立一時制垂萬禩洵酌古今之宜而得變通之利者矣謹臚其制度具列如左至備折衝者曰前鋒司宿衛者曰護軍職巡察者曰步軍戎重

鎮者曰駐防以及火器營之習遠攻健銳營之簡驍果並詳其規制條款用見我

列祖

列宗所以削平僭亂蕩滌洪鑪百戰無敵於天下與我

皇上神謨密運

駿烈光昭

坐照九天之上而制勝萬里之外

武功十全爲攝提合維以來所未嘗睹者有由然也

兵制志一
...合...以來...未嘗...由...出

八旗兵制
...而...萬里之...

太祖高皇帝初設四旗先是癸未年以

顯祖宣皇帝遺甲十三副起事征尼堪外蘭敗之又得兵

百人甲三十副後以次削平諸部歸附日衆初出

兵校獵不論人數多寡各隨族長屯寨行每人取

矢一每十人設一牛象額真領之至辛丑年設黃

白紅藍四旗旗皆純色每旗三百人為一牛象以

牛象額真一轄之

謹案是年為編牛象之始嗣後設固山額真梅勒章京甲喇章京等官雍正二年以入旗都統印信額真二字作主字解非臣下所得用改為固山諸班茲敬按年月於改定以後書新名改定以前仍舊稱以昭初制

甲寅年始定八旗之制以初設四旗為正黃正白

正紅正藍增設鑲黃鑲白鑲紅鑲藍四旗合為八

旗黃白藍均鑲以紅紅鑲以白每三百人設牛象額真一五牛

象設甲喇額真一五甲喇設固山額真一每固山

設左右梅勒額真各一以轄滿洲蒙古漢軍之衆
 時滿洲蒙古牛衆三百有八蒙古牛衆七十去漢
 軍牛衆十六行軍時地廣則八旗並列分八路地
 狹則八旗合一路而行
 天命五年改設八旗官定總兵官為三等其副將
 叅將遊擊亦如之各牛衆額真俱為備禦官每牛
 衆下設千總四人
 天聰八年五月

上諭凡我國官名俱當易以滿語勿仍襲漢語舊名今悉

為釐定五備禦之總兵為一等公一等總兵官為一等
 諸班章京二等總兵官為一等諸班章京三等總兵官
 為三等諸班章京一等副將為一等梅勒章京二等副
 將為二等梅勒章京三等副將為三等梅勒章京一等
 叅將為一等甲喇章京二等叅將為二等甲喇章京遊
 擊為三等甲喇章京備禦為牛衆章京代子為分得撥
 什庫章京為小撥什庫旗長為專達屯撥什庫仍舊名

凡管理不論官職管固山者卽爲固山額真管梅勒者卽爲梅勒章京管甲喇者卽爲甲喇章京管牛錄者卽爲牛錄章京管巴雅喇蘇額真卽爲蘇章京管巴雅喇甲喇章京額真卽爲巴雅喇甲喇章京嗣後皆照我國新定者稱之又京一管固山爲一等蘇額章京一管固山諭滿洲蒙古漢人兵衆前此騎步守哨等兵雖各有營伍未分名色故止以該管將領姓名稱爲某將領之兵今宜分辨名色永爲定制隨固山額真行營馬兵爲阿

禮哈超哈巴雅喇營前哨兵爲噶佈什賢超哈駐防盛京兵爲守兵預備兵爲援兵各城寨兵爲守邊兵舊蒙古左營爲左翼兵右營爲右翼兵舊漢兵爲烏真超哈元帥孔有德兵爲天祐兵總兵官尙可喜兵爲天助兵

謹案阿禮哈超哈爲驍騎營之始巴雅喇爲護軍營之始噶佈什賢超哈爲前鋒營之始天祐天助兵後俱歸漢軍蒙古兩翼後仍分八旗

九年設蒙古八旗先是八年以所獲察哈爾戶口分給八旗是年正月復以察哈爾來歸官兵分隸

各旗復編審蒙古及舊喀喇沁壯丁分為蒙古八旗其旗色與滿洲同每旗設固山額真一梅勒章

京二甲喇章京二分轄所編牛象

崇德二年分漢軍為二旗設左右翼二旗旗皆皂

色每旗設固山額真一轄所編牛象

四年分漢軍為四旗旗色一以皂鑲黃一以皂鑲

白一以皂鑲紅一純皂色每旗設固山額真一梅

勒章京二甲喇章京四牛象章京十八

五年五月設索倫兵牛象先時索倫部自索海班

師後續有三百三十餘戶來降

上命理藩院叅政尼堪擇可為首領者授為牛象遂分八

牛象領之

其中六年四月

上召眾於篤恭殿諭曰八家所屬牛象舊取辦事人四名

銀匠五名今宜各退辦事人二名銀匠四名每牛象許

留銀匠一名鐵匠一名辦事人二名至貝勒等各令家

下漢人學習匠役待三年後再將各牛象匠役停止每
牛象原鐵匠六名王貝勒取二名退去四名止許留四
名每牛象滿洲三人中許一人披甲以六十名爲常數
其中或多或少務於三人中選一人他牛象甲雖有餘
亦不許補不足者今後漢人匠役不許造弓箭貨賣違
禁造賣者治罪各牛象人有造弓者該牛象章京親驗
給角筋製造令鞍匠造鞍有弓鞍不如式及擅索弓價
推諉不造者送法司治罪有舊披甲人詐稱年老令家

奴代披及牛象章京之子徇私不令披甲者各固山額
真牛象章京稽察其有稽察不公後被牛象人首出者
罪之

七年始設漢軍八旗定旗色與滿洲八旗同每旗
設固山額真一梅勒章京二甲喇章京五

八年六月
諭戶兵二部各旗閒散蒙古宜清查人丁編入佐領俱令
披甲現在滿洲旗下者察其壯丁毋許混匿其諸玉貝

勒貝子公等家閑散蒙古編爲小旗設巴雅喇轄之

順治元年國姓蒙古宜衛查人工部人等會同

世祖章皇帝定鼎燕京分置滿洲蒙古漢軍八旗於京城

內鑲黃正黃居北方正白鑲白居東方正紅鑲紅

居西方正藍鑲藍居南方鑲黃正白鑲白正藍爲

左翼正黃正紅鑲紅鑲藍爲右翼左翼自北而東

而南鑲黃在地安門內正白在東直門內鑲白在

朝陽門內正藍在崇文門內右翼自北而西而南

正黃在德勝門內正紅在西直門內鑲紅在阜城

門內鑲藍在宣武門內

又定八旗都統所轄甲兵滿洲蒙古旗每佐領下

設親軍上三旗隸領侍衛府下五旗隸宗室王公

設前鋒隸前鋒統領設護軍隸護軍統領設步軍

領催及步軍隸步軍統領其本營領催驍騎及弓

匠鐵匠鞍匠等各隸本旗都統漢軍旗每佐領下

設步軍領催及步軍隸步軍統領其本營領催驍

騎各隸本旗都統軍標忠軍標其本營前鋒

謹案

本朝兵制各旗官員兵丁戶口屬籍無不隸於都統

至於簡用充補自驍騎營而外則各該管大臣分

領焉其領侍衛府八旗前鋒營護軍營步軍營內

府三旗營營制具詳於前軍營步軍營騎營

又設軍標三營各營都統副都統各一員

盛京八旗駐防兵時以遷都燕京

命內大臣何洛會為盛京總管設左右翼梅勒章京各一員統領駐防兵

又設直省八旗駐防兵順治二年分遣八旗兵駐

防直隸順德山東濟南臨清德州江南徐州山西

平陽潞安蒲州八城後依各省形勝設將軍都統

副都統或但設城守尉防守尉駐防

又設直省綠旗營凡直省漢兵俱以綠旗為辨總

督所屬為督標巡撫所屬為撫標提督所屬為提

標總兵所屬為鎮標其屬於河道總督者為河標

屬於漕運總督者為漕標

謹案綠旗營制屬督撫提鎮專轄不隸入旗都統本志不具載

又設外藩扎薩克各旗先是天聰年間科爾沁各

蒙古相繼款附

定鼎之後以次編旗凡內扎薩克二十五部為五十一旗

每旗扎薩克一人協理旗務者無定員以王貝勒

貝子公台吉等為之設都統副都統以本旗台吉

兼任叅領佐領驍騎校驍騎如內入旗之制至康

熙二十年設喀爾喀各旗二十六年設賀蘭山額

魯特旗及哈密旗四十二年設額濟內土爾扈特

旗雍正三年設青海各旗十年設吐魯番旗乾隆

十九年設杜爾伯特各旗各隨人眾編佐領有差

設守衛

陵寢官員兵丁先是天聰八年

永陵設散秩官至是

福陵

昭陵

永陵各設雲騎尉又增設散秩官嗣後

盛京

三陵各增設總管副總管防禦驍騎校等員又於京師

東陵

西陵各設總管副總管防禦驍騎校等員

順治十七年

上諭嗣後固山額真清字仍稱固山額真漢字稱為都統
梅勒章京清字仍稱梅勒章京漢字稱為副都統甲喇

章京清字仍稱甲喇章京漢字稱叅領牛叅章京清字
稱為牛叅章京漢字稱為佐領諸班章京清字稱為諸
班章京漢字稱為總管烏真超哈清字稱為烏真超哈
漢字稱為漢軍

又經大臣議定葛布什賢噶喇諳班漢字稱為前
鋒統領巴雅喇蘇章京漢字稱為護軍統領噶布
什賢章京漢字稱為前鋒叅領巴雅喇章京漢字
稱為護軍叅領噶布什賢專達漢字稱為前鋒校

巴雅喇專達漢字稱為護軍校分得撥什庫漢字
稱為驍騎校

又定王公府屬武職官員兵丁分別親王郡王貝
勒貝子鎮國公輔國公等以次設長史散騎郎護
衛等職并府屬佐領下各設驍騎校驍騎有差

謹按王公府屬官兵附於
禁衛兵制之後另為一條備載於後

康熙十四年設遊牧察哈爾八旗時以遷察哈部
衆於宣化府大同府邊外編為八旗如內制三十

八年增設總管初隸蒙古八旗都統後又增設都
統駐張家口乾隆二十六年增設都統副都統以
下官職有差

康熙二十三年設三旗虎槍營以備蒐狩三十年
設火器營以習火器
雍正二年設

圓明園八旗護軍營又設

圓明園內府三旗分地駐劄以備翊衛

謹案增設三旗虎槍等營其官制兵額詳見後卷分門備考

雍正二年設漢軍藤牌兵每佐領下藤牌兵四名
乾隆元年定漢軍每旗設藤牌兵一百名六年定
藤牌兵歸併大營每旗百名於鳥槍手額內挑取
並簡選叅領一人散秩官驍騎校各二人領催五
人令其管轄

雍正六年奏定八旗方位

謹案八旗方位詳見
旗分志茲不復載

乾隆十三年設內府前鋒營即於內府三旗護軍

營內簡選充額仍屬護軍統領管轄

十四年設健銳營總統無定員以王公大臣兼任
率兩翼長八旗前鋒叅領等統轄前鋒兵演習雲
梯諸技是為雲梯兵

二十六年設西域新疆駐防兵時以平定準噶爾
回部分派滿洲兵索倫兵察哈爾兵綠旗兵視各
處地形酌量分駐卡倫兵領以侍衛屯田兵領以

督屯武職駐防馬兵隸於佐領綠旗兵隸於營員
其四兵則各城伯克經理而以駐劄之將軍大臣
總轄之各兵丁或携眷永駐或三年更代以次增
設無定額

十七年設

盛京內府三旗總管先是順治三年設公大臣兼
盛京內府鑲黃旗正黃旗佐領八年設正白旗佐領
至是令三旗佐領皆歸總管統轄

謹案我

朝以神武開國先立四旗以統人衆專以歸附日廣
增設八旗以旗統人即以旗統兵隸乎旗者皆可
為兵非必有召募之煩而後收兵之用也

列聖相承規模大備內而京營則有親軍前鋒驍騎護軍
步軍之分或用十三旗或兼用八旗外而直隸各
省駐防兵用八旗各標及營汛兵用綠旗營百數
十年增損斟酌盡善我

皇上智勇天錫觀

光揚烈

天戈所揮無思不服自西陲底定式廓版圖列戍開屯
威宣化洽至于外藩諸部奔走偕來分職編旗與
內八旗相等望風懷景航海棧山

武功十全超邁前古凡皆
睿算神謀先機決勝於萬里之外固不徒矜馘獻之功

資熊羆之力是以開窮日月構盡乾坤洵億萬世
經武之鴻圖迄乎無外者也茲謹叙兵制以

禁衛駐防

恩卹軍令軍政教閱軍器馬政彙為入門依類備載

皇土營長天檢廳

十平...

皆親親兵民人...

進軍之...

聖...

餘...

欽定八旗通志卷三十二

欽定八旗通志卷三十三

兵制志二

禁衛一

領侍衛府 驍騎營 前鋒營 護軍營

領侍衛府

滿洲鑲黃正黃正白上三旗設領侍衛內大臣六

人內大臣六人散秩大臣無定員凡一等待衛六

十人二等待衛一百五十八三等待衛二百七十

人四等待衛無定員宗室侍衛一等九人二等十

八人三等六十三人 康熙三十七年增設宗室侍衛無定員雍正七年定制共

九十人並入三 藍翎侍衛九十人 每侍衛十人各設什長一人即

於什長及兩翼班領署班領內 定以十二人隨印協理事務

御前侍衛 黃五白七等

乾清門侍衛 于三旗侍衛 漢侍衛 雍正五年定例亦

內 簡用 皆無定員主事一人筆帖式十二人

貼寫筆帖式十五人親軍校七十五人 鑲黃旗十

五旗移入十人正黃旗十五人又下五旗移入 十一人正白旗十五人又下五旗移入九人 親

軍九百九十五名 三旗滿洲蒙古佐領下每親軍

下五旗移入一百三十名正黃旗二百三十四名

又下五旗移入一百三十五名正白旗二百三十

名又下五旗移入一百十七名內以七十五人為

親軍校三旗親軍每旗選六十名隨侍衛班入直

餘皆隨三旗護軍營護軍 校護軍一體直宿當差

凡宿衛之制更番輪直三旗侍衛各分六班班分

兩翼 鑲黃旗為左翼正黃旗為右翼 正白旗半為左翼半為右翼 各設侍衛班

領二人署班領二人侍衛三十人宿衛 乾清門為內班晝坐門禁夜守局鑰散秩大臣一人

侍衛親軍十人宿衛

中和殿侍衛什長三人侍衛親軍三十人宿衛

太和殿為外班以領侍衛內大臣一人總統之內大

臣散秩大臣二人隨班入直

凡扈從之制後扈二人於領侍衛內大臣內

簡用前引十人於內大臣散秩大臣統領副都統內

簡用豹尾班侍衛千三旗侍衛內選功臣後裔六十人

日以二十人直

後左門每

乘輿出入以十人執豹尾槍十人佩儀刀侍於

乾清門階下左右

駕出豹尾班侍衛殿於後以領侍衛內大臣一人侍衛

班領二人統之

駕還宮隨至

乾清門退歸直

皇帝御太和殿受朝前引侍衛二人自

乾清門

後左門引至

殿後止後扈大臣二人自

乾清門扈從

如係自

御前大臣則宮內隨出後並同

前引大臣十人

候於

殿北階下

駕至按翼前導進

殿由左右趨至

寶座前北上東西面序立後扈大臣於

寶座左右僉立豹尾班侍衛於

寶座後左右南向序立遇

御門聽政屆時直班侍衛引有事各官出

後左門入

日常入奏官亦均由侍衛引進

豹尾班侍衛於

乾清門階下左右牆角立領侍衛內大臣直班內大

臣侍衛於階下立侍衛班領每翼一人于階上左

右楹前立

御前侍衛隨

駕出同

乾清門侍衛於

御座兩傍立

駕還官

御前侍衛隨入餘各退歸直

御經筵日侍衛二人前導至

文華門止後扈大臣隨至

寶座左右僉立

御前侍衛

乾清門侍衛於

寶座後兩傍豹尾班侍衛於

殿外階下均左右序立如

御箭亭侍衛二人前導至降輿處止遇外藩來朝及

召見外藩使臣或於

便殿或於

駐蹕行宮前引後扈大臣皆侍班

御前侍衛

乾清門侍衛直日侍衛班領豹尾班侍衛均於

殿內按翼序立

皇帝躬祀

郊壇前引侍衛二人自

乾清門前導至

午門外止前引大臣候於

太和門北階下

駕至按翼前導後扈大臣隨行自

午門外乘馬至

壇門外下馬均佩刀引扈

御輦前後執鐙侍衛四人輦前執提鑪侍衛二人皆步

從輦後豹尾班執槍侍衛十人佩儀仗侍衛十人

佩矢弓侍衛二十人以領侍衛內大臣一人侍衛

班領二人領之建黃龍大纛二司燾侍衛什長二

人以領侍衛內大臣或內大臣散秩大臣一人領
之及

壇前引大臣在

圓丘壇三成階上立

方澤壇及

日壇

月壇於二成階下立後扈大臣隨升

壇於

駕後僉立豹尾班侍衛於

壇內壝門外序立祀

祈年殿饗

太廟前引大臣由左階升

駕入殿門於中門外一成階上東西面序立後扈大臣

隨入於

駕後僉立豹尾班侍衛於三成階下立祀

社稷壇前引大臣立於內壝門外豹尾班侍衛立於拜

殿南門外展拜

堂子前引大臣立于甬道北豹尾班侍衛立于祭

神殿兩旁祀

先農壇前引大臣立于階下豹尾班侍衛立于樂懸南

遇

駕耕藉

御具服殿前引大臣立于殿前階上

駕詣藉田引至耕所三推禮成引由觀耕臺午階升于

御座前左右序立遇

大閱日前引後扈大臣均甲冑引扈豹尾班侍衛甲冑

殿後

御前大臣侍衛等均甲冑隨行其次黃龍大纛行三旗

親軍甲冑按次行

駕御帳殿豹尾班侍衛按翼排列左右建黃龍大纛三

旗侍衛親軍按翼環衛

車駕巡幸

御前大臣侍衛

乾清門侍衛皆從其六班輪直之侍衛以一班或二

班隨往

凡選補親軍于本佐領下護軍驍騎及教養兵閑散壯丁內選補隨侍衛班行走之親軍由本旗親軍內遴選弓馬人材及世胄子弟拔補均由隨印協理事務侍衛班領遴選呈本旗領侍衛內大臣補授

雍正三年奏准三旗親軍令侍衛班領及親軍校管束察其騎射行走該旗差務仍照常例行

雍正七年定三旗各領銀二萬兩生息以資公用由各旗協理事務侍衛班領辦理乾隆十四年奏准此項銀交各該旗辦理所得之息交內務府廣儲司收貯用時陸續支領仍令協理事務侍衛班領收管

凡入侍衛班之親軍在

圓明園直班各班各給飯銀二錢五分在外直班之親軍校親軍每人各給飯銀一錢五分均于公用

銀內動用

謹按侍衛班內有

上駟院侍衛每旗七人司轡司鞍侍衛無定員隸上駟院其兼尚虞鷹鵠房鴉房狗房十五善射善騎射善射鵠善強弓善撲等侍衛各有專管統在三旗額內均無定員又鑾儀衛亦侍從武職設有掌衛事內大臣以下等官專司乘輿鹵簿茲不具列其所屬軍尉儀刀弓矢及戟用親軍豹尾槍仗馬用護軍蒙古畫角用蒙古鳴角軍其奉輦擎執儀仗各校尉由內府選充者為旗尉由五城選充者為民尉奉輦旗尉百六十八人民尉六十八人各執

事旗尉二百四十六人民尉二百二十二左右中前後五所民尉計一千三百二十八人駟象所民尉二百六十八人旗漢軍司更兵四十人均隸在軍數謹附載于此

八旗驍騎營

滿洲八旗都統每旗各一人副都統各二人驍騎

叅領各五人副驍騎叅領各五人康熙三十四年于每旗叅領下

增設委署叅領雍正元年改名隨人副叅領蒙古漢軍八旗並同佐領無定員

設每佐領下驍騎校一人領催五名初制滿洲及蒙古每佐領

下設領催六名康熙驍騎二十名匠役二名養育四十二年裁一名

兵 雍正二年初設具詳 恩卹門乾隆三十六年定額按三兵一缺八旗滿洲共應一萬七千九百八十八缺

蒙古八旗都統每旗各一人副都統各二人驍騎

叅領各二人副驍騎叅領各二人佐領無定員每

佐領下驍騎校一人領催五名驍騎二十名匠役

二名養育兵 乾隆三十六年定額按三兵一缺八旗蒙古共應三千二百七十九缺

漢軍八旗都統每旗各一人副都統各二人驍騎

叅領各五人副驍騎叅領各五人佐領無定員每

佐領下驍騎校一人領催五名鳥槍驍騎四十二

名每旗藤牌兵一百名 雍正二年漢軍每佐領下設藤牌兵四名乾隆元年

定漢軍每旗設藤牌兵一百名六年定藤牌兵歸并大營每旗百各于鳥槍手額內選取並簡選叅

領一人散秩官驍騎校各二人領催五名令其管轄 養育兵 乾隆三十六年

仍照原額共應四千八百十三缺

凡城門直班之制內城九門安定門德勝門東直

門西直門朝陽門阜城門崇文門宣武門八門各

按官兵居住方位以八旗滿洲蒙古漢軍分直正

陽門以八旗滿洲蒙古輪直外城七門以鑲黃旗直東便門正白旗直廣渠門正黃旗直西便門正紅旗直廣寧門鑲藍旗鑲白旗直左安門鑲紅旗直右安門正藍旗直永定門均派漢軍雍正六年于八門城外增建營房仍按八旗方位每旗委滿洲蒙古漢軍官四人驍騎校四人驍騎滿洲一百二十名蒙古四十名漢軍四十名各旗均分爲四班每班五日以委官一人驍騎校一人驍騎五十

名令其更番居住看守十二年又定正陽門兩旁城門卽于看守八門官兵內八旗共委官四人驍騎校四人每旗各委驍騎十名按翼看守十日一次更代每日按翼各委兵十名晝夜巡宿以爲常凡汛守之制康熙二十二年定恭遇

車駕巡幸八旗驍騎營于內九門城上每旗增設汛六所于街道每旗增設汛十所內城各門于門內各增汛一所正陽門八旗輪直其餘八門八旗分設

均委官兵看守乾隆五年復定恭謁

陵寢及

駐蹕圓明園南苑等處並逢年節封印後照例于城上
每旗設汛六所共四十八所委驍騎營官兵與城
上步軍營分汛相間看守每旗于滿洲蒙古漢軍
內會委叅領一人約束如恭遇

巡幸口外及遠省則增設汛十五所將步軍撤下分防
大街巷口城上汛守悉易以驍騎營分委驍騎校

領催驍騎晝夜巡宿以叅領二人往來稽察

凡各處看守之制戶部銀庫委官二人領催二名

兵十八名庫後門委官一人兵十名顏料庫委官

四人驍騎校四人領催四各兵二十八名緞疋庫

委官二人驍騎校二人兵五十名以鑲黃正黃正

白三旗輪派工部節慎庫以鑲紅旗官一人兵十

名製造庫以正紅旗官一人兵五名刑部贓罰庫

以鑲藍旗官一人兵十名宗人府庫以鑲白旗官

四人兵四十名理藩院庫以正藍旗官二人兵二十名光祿寺庫以正藍旗官一人兵十名太常寺庫鑲紅鑲藍二旗輪委官一人兵十名鴻臚寺龍亭以正紅旗兵八名八又五十名以鑲黃五黃五
 圓明園直月今為直年衛門左右翼各輪委領催一名兵五名海運倉以鑲黃旗北新倉以正黃旗儲濟倉以鑲白旗裕豐倉以鑲紅旗各委官二人領催二名兵三十八名舊太倉以正白旗南新倉以鑲白

旗興平倉以正紅旗富新倉以鑲紅旗各委官二人領催二名兵十八名萬安倉以正紅旗委官四人領催四名兵三十一名祿米倉以正藍旗委官二人領催二名兵三十三名太平倉以鑲藍旗委官四人兵四十一名豐益倉八旗會派官二人領催五名兵四十五名皆兼用滿洲蒙古漢軍工部濯靈廠八旗漢軍輪委官四人兵二十名硝磺庫滿洲正紅旗官二人兵二十名戶部內倉滿洲正

白旗領催二名兵六名以上各晝夜看守喀爾喀館園牆于喀爾喀到日委正白旗官二人兵十名館門委正藍旗官一人領催一名兵九名俄羅斯館于俄羅斯到日八旗滿洲蒙古漢軍共設班房十六處每四處委叅領一人每處委官一人兵十五名館門輪委叅領一人兵二十名外館於馬匹到日八旗滿洲蒙古輪委官二人驍騎校二人兵二十名後黃寺於蒙古使臣及喇嘛來使到日八回日撤退

旗滿洲蒙古輪委官一人兵十名晝夜看守均於回日撤退
凡防火之制順治初年設八旗火班雍正八年定於失火在東南城令鑲藍正白二旗西南城令鑲藍鑲紅二旗東北城令鑲黃正白二旗西北城令正黃正紅二旗各率官兵往救

禁城之內每翼令二旗救護步軍營見每處失火卽報知相近旗分乾隆六年復定八旗火班八處每

處滿洲蒙古漢軍諸旗更番輪直以都統或副都
統一人叅領二人叅領以下官八人領催八名驍
騎七十二名如旗界及接壤之地有不戒于火者
都統等卽領直班官兵之半往救其餘官兵仍留
該班處備用

凡選補領催不論滿洲蒙古漢軍均於本佐領下
驍騎內選充

順治元年定護軍亦准選用領催

雍正二年覆准八旗領催缺均于本佐領下正身
驍騎閑散壯丁內選取如不得其人向例原有于
佐領下護軍調補之例嗣後應遵照定例先儘驍
騎閑散壯丁選取不足于本佐領下之識字護軍
內調補如應選不選及將開戶人選取者察出該
驍騎校以上皆分別議處
凡選補驍騎於本佐領下選充

康熙二十一年題准滿洲佐領下有寡婦孤子無

可充驍騎者將家生子充驍騎以資贍養

四十三年奉

旨作為正戶別載冊籍人之子孫均準拔補驍騎戶下人
不准拔補

雍正二年議奏八旗驍騎于正戶人內選補不敷

方于佐領下開戶戶下人選取奉

旨據爾等奏如有正身將正身選取驍騎如正身滿洲少
時將戶下滿洲選取等語倘正身滿洲最多之佐領其

孤寡之人不得錢糧何以爲生有似此者悉傳集曉諭
其如何給與孤寡人錢糧不合匱乏之處著再行議奏
嗣議准以後驍騎闕仍于正戶之閑散壯丁教養
兵步軍內選取或該旗內有貧乏孤寡不得錢糧
養贍者傳集其佐領下人遍行曉諭將孤寡之家
人充補驍騎又

諭凡年老護軍除應陞護軍校驍騎校外其年已老邁又
不在應陞之列者若竟革退殊覺可憫著該統領會同

都統等將伊等轉補驍騎行走其護軍缺卽令人材少壯之驍騎轉補

八年

上諭前漢軍懇請出兵効力朕諭該都統等漢軍騎射生疎平時不肯演習而務出征効力之虛名于事無益可于每旗操演兵丁千名備用昨據都統等奏鑲黃正黃正白三旗除常行當差兵外現在輪流操演可得千八正紅鑲白鑲紅正藍鑲藍五旗除當差外不敷千人之

數我朝定鼎漢軍從龍入關技勇皆可用今承平日久耽于安逸是以武藝遠不如前目今官至提鎮副叅者寥寥無幾而在內簡用都統副都統時亦難其人朕思漢軍生齒日繁當籌所以教養之道而額設之兵爲數又少似應酌量加增於國家營伍旗人生計均有裨益且如在外駐防漢軍子弟日漸繁衍而本身錢糧各有定數難以養贍應令餘丁回京當差又如外任官子弟往往以隨任爲名游蕩荒廢前曾有旨嚴禁悉令回京

當差學習弓馬又如候缺微員一時難以銓選者若情
愿入伍當差到選班時仍許輪流補用又如內府人丁
亦衆于充役當差外其閑散人丁撥入八旗充驍騎亦
可再五旗諸王之漢軍佐領仍屬本王外其貝勒貝子
公等之漢軍佐領實無所用應撤歸旗下公中當差且
可免掣肘之虞其如何增設漢軍佐領永遠可行著詳
議具奏嗣議定漢軍鑲黃旗四十三佐領有半正黃正
白二旗皆四十二佐領正紅旗二十七佐領有半

鑲白旗二十八佐領鑲紅旗二十七佐領正藍鑲
藍各二十八佐領通計領催槍手礮手棉甲兵教
養兵銅鐵匠弓匠聽差護城守門守礮守火藥局
守教場以及步軍門軍共萬七千五百二十八人
今應于原有之一百六十五佐領及兩半分佐領
外增設三佐領並增兩半分爲兩整分上三旗每
旗定爲四十佐領下五旗每旗補足三十佐領共
三百七十佐領其新設佐領下應增領催十五名

步軍領催三名步軍四十八名每佐領增足槍手四十名棉甲兵八十名上三旗每旗補足教養兵一百八十八名下五旗補足教養兵一百四十九名共增兵二千四百七十二名以足二萬之數至增設各項兵丁應于在京閑散壯丁及外省駐防漢軍餘丁外官隨任子弟願充驍騎者並候選未得之微員內選補再下五旗漢軍佐領除王等仍舊分設外貝勒貝子公等佐領悉歸各旗作為公

中佐領

乾隆三年

諭前此自軍營撤回開戶之領催驍騎內一等二等者均為正身別載冊籍至和通呼爾罕諾爾烏遜珠爾等處打仗陣亡開戶分戶之領催驍騎轉不能沾恩實屬可憫著交與八旗將此等陣亡開戶領催驍騎之子孫亦著為正戶與別載冊籍之人一例選取驍騎又

諭向來八旗簡選驍騎皆憑騎射今聞都統等並不校閱騎射止傳赴衙門令其開弓卽行選取旗人騎射甚爲緊要如此選取何由長進夫教訓兵丁學習騎射乃都統專責嗣後務須痛改以期各盡厥職倘仍如是斷不姑容

又覆准八旗生齒日繁而驍騎限有定額理應將正身選取不應並選開戶之人其現在開戶人內有旣經選補驍騎者毋庸革退至步軍匠役等缺

例應選取家人若開戶人內有情願入選者卽行

選取

六年覆准八旗漢軍正戶閑散餘丁甚多而開戶家人亦復不少若驍騎缺並選開戶之人正戶人古等轉致壅滯嗣後八旗漢軍驍騎不准開戶人選來補至八旗滿洲蒙古驍騎先於年壯正身內選取士簡如不得人再於本佐領開戶家人內驗其能騎射者選取

七年

上諭五旗王公宗室等府屬佐領下人均係盛京跟隨
來京之人著交王公等將不能養贍之正身滿洲蒙
古之子孫覈實行知各都統於丁少無正戶可選之
佐領下選取驍騎及執事人仍不許離其佐領止令
本身在旗當差若其本主欲選補護衛等官調用別
項差使均聽其便

八旗前鋒營

前鋒統領左右翼
鑲黃正白鑲白正藍四旗為左翼正黃正紅鑲紅鑲藍四旗為右

翼各一人
或以王公大臣兼領 前鋒叅領每翼各八人
每旗俱滿

兼用 前鋒侍衛各八人
雍正三年定以左右翼前鋒叅領各一人前鋒

侍衛各一人
隨印協理事務 委署前鋒侍衛各四人
乾隆十七年增設印

于前鋒校或親軍校內選
委給五品虛銜仍食原餉 前鋒校各四十八人
雍正

三年定以左右翼前
鋒校各二人隨印
隨印筆帖式各二人
初制每翼各一

人康熙四十六年裁
委署前鋒校各四人
乾隆十七年增

設四藍翎長
每十人 各二十人鳥槍隊長委署藍
員

翎前鋒長各四人鳥槍隊長每十二人為一隊各二十人

前鋒委署鳥槍隊長各四人前鋒八旗滿洲蒙古

每佐領下各二名自委署前鋒校以下皆在兵數內

凡宿衛扈從之制與八旗護軍營一體派委制詳後護

軍其

行在宿衛扈從前鋒參領前鋒侍衛共八人率前鋒

校前鋒共百二十八人於

御營前一二里外相度形勢安設卡倫立前鋒旗二以

為門戶左右以次列帳各於帳內巡警宿衛有於

卡倫內行走者坐以軍法次日各屬囊韃控馬於

道旁排立候黃龍大纛過各乘馬整隊扈從

八旗護軍營

護軍統領每旗各一人護軍參領每旗滿洲十人

蒙古四人每旗設內司鑰長一人署司鑰長一人副護軍參領如參

領之數初設委署參領雍正元年改名副參領三年定以每旗護軍參領各一人副護軍參

領各一人隨委署護軍參領每旗各七人乾隆十七年增

印協理事務

設卽於護軍校或親軍校內
選委給五品虛銜仍食原餉
護軍校八旗滿洲蒙

古每佐領下各一人
雍正三年定以每旗隨印筆
護軍校各二人隨印

帖式每旗各二人
初制每旗各一人康熙四十
六年裁雍正三年復增設門

筆帖式鑲黃正黃正白三旗各十人護軍滿洲蒙

古每佐領下各十七名

凡宿衛之制

景運門統領一人
以護軍統領或
前鋒統領入直司鑰長一人護軍

校三人門筆帖式二人閱門籍護軍
卽巴 一人護
克什 一人護

軍十七人

隆宗門協理事務叅領一人
康熙六十一年增設統
領一人雍正四年定以

協理事務護軍叅領
或前鋒叅領入直護軍叅領二人
初制設叅領
一人康熙六

十一年
增定護軍校三人門筆帖式一人閱門籍護軍

一人護軍十七人

後左門

後右門護軍叅領各一人護軍校各三人門筆帖式

各一人
門筆帖式初制
未設後增定閱門籍護軍各一人護軍

各十二人

中左門

中右門護軍校各二人閱門籍護軍各一人

閱門籍護軍初

制未設後增定護軍各八人

左翼門

右翼門護軍校各二人閱門籍護軍各一人

閱門籍護軍初

制未設後增定護軍各八人

保和殿東西廊內庫護軍校各一人護軍各四人

乾隆

十五年增設

中和殿護軍校二人護軍三人東西廊護軍校各一

人護軍各四人
康熙十八年於中和殿設護軍校護軍後增定

太和殿

體仁閣

弘義閣護軍校各二人護軍各八人
皆康熙十八年增設

太和門左右門親軍校各二人親軍各八人
初制設護軍校

護軍後改用領侍衛府所屬之親軍校親軍

昭德門

貞度門護軍校各二人護軍各八人

協和門

熙和門護軍校各二人護軍各八人

蒼震門

啟祥門護軍叅領各二人護軍校各三人閱門籍護

軍各一人護軍各十二人

吉祥門及西北隅護軍叅領各一人

護軍叅領初制未設後增定

護軍校各二人護軍各八人

凝華門

中正殿後門及東北隅東南隅護軍校各二人護軍

各八人

初制惟吉祥門及西南隅東北隅東南隅等處設護軍後增定

箭亭及

北上門護軍校各二人護軍各八人

皆康熙六十年增設

文華殿門護軍叅領一人護軍校二人護軍八人

庫行走章京一人護軍校二人護軍八人

初制文華殿

及銀庫各用八旗驍騎營官一人領催一名驍騎九名乾隆二十二年改用護軍

紫禁城四門內磴道柵欄護軍校各二人護軍各八

人

午門護軍叅領一人左右門護軍校各三人護軍各

十二人又左門閱門籍護軍二人

東華門

西華門

神武門護軍叅領各一人護軍校各四人閱門籍護

軍各二人護軍各十六人恭遇

車駕行幸則於三門各增設統領或協理事務之護軍

叅領及前鋒叅領一人 雍正元年定每遇行幸則 禁城四門各增

統領一人四年 以上各委鑲黃正黃正白三旗官

又改定今制 軍按日分班丑未日為鑲黃旗首班寅申日為鑲

黃旗二班己亥日為正黃旗首班子午日為正黃

旗二班卯酉日為正白旗首班辰戌日為正白旗

二班各輪番直宿又有防範火班於雍正五年定

遇有應用齊集之處合直班之護軍統領司鑰長

等於 恩用濟東之護軍每處調二人共四十六名

左翼門等二十三處護軍每處調二人共四十六名

協同內府直班官兵前往

闕左門司鑰長護軍校一人護軍九人

闕右門護軍叅領一人護軍校一人護軍九人

初制 皆以步軍守衛乾隆十五年改用下五旗護軍

端門

天安門

長安左門

長安右門

大清門護軍叅領各一人護軍校各二人護軍各十

八人 初制三門皆以步軍守衛雍正七年改用下五旗護軍

紫禁城外周圍 初制以驍騎營官兵守衛雍正元年改用下五旗護軍

東華門

西華門外以南令正藍旗鑲藍旗二旗守衛

東華門

西華門外以北至城角令鑲白鑲紅二旗守衛北面

西華一帶令正紅旗官軍守衛周環設十六堆汛各叅

東領一人護軍校一人護軍九人柵欄八座乾隆十五年增

設各護軍校一人護軍九人以上各委鑲白正紅

鑲紅正藍鑲藍五旗官軍按日分班甲乙日為正

紅旗班丙丁日為鑲白旗班戊己日為鑲紅旗班

庚辛日為正藍旗班壬癸日為鑲藍旗班每旗各

員二日輪番直宿總隸於

景運門直班統領稽察

凡傳籌之制

紫禁城內五籌遞傳每夕自

景運門發籌西行過

乾清門出

隆宗門循而北過

啟祥門迤而西過

凝華門迤而北過

中正殿後門迤北至西北隅迤而東過西北門

順貞門

吉祥門至東北隅迤而南過

蒼震門至東南隅迤而西仍至

景運門計十二汛為一週

紫禁城外八籌遞傳每夕自

闕左門發籌西行過

午門出

闕右門循而西經西一汛至南柵欄二汛迤而北經

三汛一柵欄過

西華門經一柵欄四汛五汛六汛至西北隅七汛迤

而東經八汛一柵欄過

神武門經一柵欄九汛東北隅十汛迤而南經十一

汛十二汛十三汛一柵欄過

東華門經一柵欄十四汛十五汛至南柵欄循而西

經十六汛仍至

闕左門計二十二汛為一週恭遇

駐蹕行宮內外汛傳籌亦如之

凡禁門啟閉順治初年定每

車駕出入各門均啟中門東共四十八處西南各十一

景運門直班統領率

隆宗門參領祇承其事並令護軍清蹕每夕

景運門直宿司鑰長率官軍自

後左門西四十四處西南各十一

後右門東四十四處西南各十一

中左門

中右門

左翼門

右翼門

太和門

昭德門

貞度門以次驗視局鑰

午門以

隆宗門護軍叅領

東華門以

蒼震門護軍叅領

西華門以

啟祥門護軍叅領

神武門以

吉祥門護軍叅領分視局鑰畢各遣護軍校納鑰於

司鑰長司鑰長受驗諸門鑰彙貯於篋復加局鈐
詰朝各門校以次領鑰啟門日以爲常雍正四年
於

景運門

隆宗門

東華門

西華門

神武門各頒陰文合符一扇傳

諭護軍統領如遇夜有奉

旨差遣及緊急軍務應即時啟門者候

大內持出陽文合符該護軍叅領卽取陰文合符驗
明啟鑰仍報知統領

蒼震門

啟祥門等處遇陽文合符至門該叅領卽報統領親
齎陰文合符至門與陽文合符照驗啟門均於次
日具奏乾隆十五年復定

端門

天安門

大清門如

紫禁城門之例每夕由

闕左門直宿司鑰長委護軍叅領一人驗視局鈐畢
各門護軍叅領收鑰遣護軍校報於司鑰長次日
啟鑰亦如之

凡門禁王公官員執事人等於

紫禁城門不得擅行出入其准予應行之門出入者
由直班官軍詢明放進如有無故溷入及濫攜入
濫縱入者分別議處各衙門官吏均于

午門左門出入右門自王公以外不得擅行內大臣
侍衛內務府等官及內廷有執事官與內府各執
事人等准於禁門行走者均將姓名及所隸旗分
佐領內管領造冊咨送登籍於經由之門各置一
通工匠服役人等則由本管衙門各給火烙印腰

牌書姓名差役持爲出入符驗以護軍之識字者
專檢門籍稽其出入籍內無名及不帶腰牌者不
准放入又每門設紅杖二以護軍二人更番輪執
坐於門下親王以下經行皆不起立有不報名擅
入者撻之參前二十二八凡扈從之制恭遇

親祀東

壇

廟統領一人同內大臣散秩大臣侍衛等於豹尾班後管

厥派東

駕詣

南郊以八旗護軍叅領三十二人護軍校護軍八百人自

午門起至

齋宮分翼於

輦路兩旁清蹕又以護軍叅領八人護軍校護軍八十

人於神樂署週圍清蹕又以護軍叅領二人護軍

校護軍二人於

園丘外週圍清蹕

齋宮左門以護軍統領一人上三旗司鑰長一人護

軍叅領一人護軍校護軍二十人直宿右門以上

三旗協理事務叅領一人護軍校護軍二十人直

宿

成貞門西大門以上三旗司鑰長一人護軍叅領一

人護軍校護軍二十人直宿

齋宮外設十四汛以八旗護軍叅領六人每汛各護軍校護軍十一人巡守外

壇西門外以下五旗護軍叅領二人護軍校護軍二十人直宿內

壇西門以下五旗協理事務叅領一人護軍叅領一人護軍校護軍二十人直宿如

駕詣

北郊

輦路清蹕之制同又以上三旗護軍叅領二人護軍校護軍六十人於

壇外西門至

壇北門清蹕以下五旗護軍叅領五人護軍校護軍五十人分令兩旗於樂部宿處三旗於

壇外西門外各清蹕

齋宮正門以護軍統領一人上三旗司鑰長一人護軍校護軍二十人直宿內北門內西門各以下五

旗協理事務叅領一人護軍叅領一人護軍校護軍二十人直宿

齋宮外設十一汛以八旗護軍叅領八人每汛各護軍校護軍十人巡守如

駕幸瀛臺

承光殿等處以上三旗護軍叅領十二人護軍校護軍三百人

駕幸圓明園南苑等處以八旗護軍叅領三十二人護

軍校護軍八百人均於經由之路按旗分翼排立

清蹕每遇

車駕經行城內以上三旗官軍城外以八旗官軍衛道

清蹕均由

景運門直班統領計程遠近隨時酌委以統領一人

率護軍叅領一人稽察

回鑾亦如之

凡

行在宿衛扈從恭遇

車駕巡幸視道里之遠近日期之多寡每次合前鋒營

計之酌量分派以統領三人營總三人司其事康

熙初年定每員有宿衛及隨行宿衛之人

駐蹕之地由嚮導總統等先期指示地盤護軍統領營

總各一人率護軍參領護軍校護軍豫往同武備

院卿司幄及工部官設

帳殿

御幄繚以黃梲木城

康熙十年改用黃幔城

外為網城設南東西

三旌門門建旗各二南正白東鑲黃西正黃白東

西門以後三面各設連帳護軍統領率八旗官兵

於網城門守衛去網城百步外八旗各設帳房東

四旗左翼西四旗右翼各按翼巡宿建鑲黃護軍

纛於後正黃護軍纛於右正白護軍纛於左以領

之路中設頓營或一或二亦由嚮導指定護軍參

領等豫行張具每口

御營輜重前行三旗營總護軍叅領三人率三旗護軍
燾並行雍正元年定網城改用圓形周設連帳仍
設三門各建上三旗之護軍旗二設汛九守以上
三旗護軍於網城外又設連帳一重形亦圓設四
門亦各建護軍旗二南建正藍鑲藍旗各一東建
鑲白西建鑲紅北建正紅旗各二設汛四守以下
五旗護軍均統以營總去營六十丈八旗各設帳
房五座由帳房十二丈以外一應扈從官兵聽其

住宿乾隆二十年增定大營之制外方內圓度地
縱二十丈六尺橫十七丈四尺建黃幔城外加網
城結繩爲之黃色貫之以網高六尺濶八尺距幔
城南東西各十八丈北十五丈設連帳百七十五
座爲內城建旌門三南門建正白金龍燾二東門
建鑲黃金龍燾二西門建正黃金龍燾二周圍建
鑲黃金龍三角旗共四十有一司內旌門以上三
旗護軍叅領六人護軍校護軍六十八人設宿衛帳

房九座以上三旗護軍叅領九人護軍校護軍九十人司之距網城十二丈爲外城設連帳二百五十四座建旌門四南門輪日建正藍金飛虎纛二鑲藍金飛虎纛二東門建鑲白金飛虎纛二西門建鑲紅金飛虎纛二北門建正紅金飛虎纛二外城周圍東南面建正白金飛虎方旗西南面建正紅金飛虎方旗東北面建鑲黃金飛虎方旗西北面建正黃金飛虎方旗共六十司外旌門以下五

旗護軍叅領八人護軍校護軍八十人設宿衛帳房四座以下五旗護軍叅領四人護軍校護軍四十人司之外城東西爲各部院官帳房距外城六十丈周圍設八旗營警蹕帳房四十座每旗各五每帳房建護軍旗各一東南正藍旗西南鑲藍旗東北鑲白旗西北鑲紅旗共四十以護軍叅領四十八護軍校護軍六百八分司警蹕其建設大營慢城網城連帳用護軍叅領三人護軍校護軍八

十人備用亦如之中路頓營縱廣各二丈設黃幔城外加網城如大營之制以護軍叅領二人護軍校護軍四十人預往守衛其建設頓營則以護軍叅領一人護軍校護軍二十人如恭遇

駕幸口外增用蒙古護軍叅領一人護軍校護軍二十人其隨營傳禁踐踏田禾以護軍叅領八人護軍校護軍一百二十人指立市集以護軍叅領二人護軍校護軍二十四人督率刈草以護軍叅領二

人護軍校護軍二十四人管輜重以護軍叅領三人護軍校護軍四十人建護軍輜重三旗燾三杆領以護軍叅領三人率持燾隨燾護軍校護軍一百三十一人隨行專護

御用輜重護軍叅領一人護軍校護軍十人其每日扈從官軍並於八旗內隨時委用

御營嚮導

總統無定員

以前鋒統領護軍統領八旗副都統兼任

於八旗前鋒營

護軍營內每旗選參領侍衛四人前鋒校護軍校

前鋒護軍六人佐之

凡遇

時巡省方以嚮導總統一人先期率官校詣其每日

車駕經行之地周覽山川通橋梁夷險隘計程入告

駕行佩橐鞬前導每日

駐蹕後以次日程途及

駐蹕之所奏

聞交

行在兵部曉諭闈營

回鑾亦如之

御營及頓營看城均由嚮導總統先期指示飭所在有

司修治營盤

謹按

御營嚮導雖無專設之員而於翊衛之中責任綦重其

隨時

簡任者皆前鋒營護軍營官謹附載於兩營之後

圓明園八旗護軍營

圓總統無定員

以王公大臣兼任乾隆十六年定以一人掌印亦由

特簡八旗

營總每旗各一人

乾隆十年定以一人隨印協理事務

護軍叅領

各一人

雍正十年設乾隆十六年定以二人隨印協理事務

副護軍叅領各

二人護軍校委署護軍叅領各四人護軍校各十

六人

初制共八十人雍正十年增三十二人乾隆十二年增每旗各十六人十六年定以四人

隨印副護軍校各十六人

雍正七年初設七十二人十年增四十八人乾隆十二

年增每旗各十六人

筆帖式共四十人

雍正十年設即於護

軍內選用乾隆十三

年定以八人隨印 護軍共三千六百七十二名

初制設三千名乾隆十二年以京城護軍移駐定額每旗各四百五十九名設九十六名乾隆三年增三百八十四名三十六年定額一千名

養育兵初制

圓明園護軍營之制於

禁苑周圍建營房八所選京中八旗官軍按旗駐劄

初定

圓明園門汛警蹕共百處日以營總四人副護軍叅

領八人署護軍叅領十六人護軍校護軍千人入

直夜傳更籌十六恭遇

駕至

圓明園及還

宮自

圓明園至紅橋以副護軍叅領署護軍叅領四人護
軍校護軍八十人於路旁兩翼清蹕

駕由水路自

暢春園西南門經聖化寺至長春橋以營總三人副
護軍叅領署護軍叅領十六人護軍校護軍二百

四十人於長河兩岸清蹕乾隆四年改設

圓明園門汎共七十六處日以營總二人護軍叅領
二人副護軍叅領署護軍叅領十五人護軍校護
軍七百六十人守衛

暢春園增設門汎十九處日以營總一人副護軍叅
領署護軍叅領四人護軍校護軍一百九十人守
衛夜傳更籌八如恭遇

駕駐靜宜園設門汎五十一處日以營總二人護軍叅

領一人副護軍叅領署護軍叅領十三人護軍校
護軍五百十人守衛夜傳更籌十

車駕往還均以營總三人護軍叅領三人副護軍叅領
署護軍叅領二十人護軍校護軍五百二十人於
經由之路左右清蹕恭遇

駕詣黑龍潭大覺寺行禮以營總三人護軍叅領三人
副護軍叅領署護軍叅領十四人護軍校護軍七
百人沿路清蹕十年增設

長春園門汛二十處日以護軍叅領一人副護軍叅
領署護軍叅領四人護軍校護軍二百人守衛夜
傳更籌八十八年增設

清漪園門汛六處日以副護軍叅領或署護軍叅領
一人護軍六十人守衛如恭遇

駕幸靜明園等處以營總三人護軍叅領三人副護軍
叅領署護軍叅領九人護軍校護軍二百四十八
沿路清蹕

凡選補護軍於本佐領下選充順治元年定護軍亦選用領催

欽定八旗通志卷三十三

